



Vaše pravo na **pravedan i ravnopravan** odnos Your Right to be treated **Fairly and Equally**

Svako ima pravo na fer i ravnopravan odnos. Viktorija ima zakone koji vas štite od diskriminacije, seksualnog napastovanja i vjerskog ponižavanja.

Diskriminacija

Diskriminacija je nefer i nepovoljan odnos prema nekome zbog karakteristika te osobe. Protuzakonito je vršiti diskriminaciju prema nekome zbog:

- starosti
- dojenja
- njegovateljskog statusa
- nesposobnosti ili slabije sposobnosti
- seksualnog identiteta
- industrijske aktivnosti
- zakonski priznate seksualne aktivnosti
- bračnog stanja
- roditeljskog statusa
- fizičkih osobina
- političke aktivnosti ili uvjerenja
- trudnoće
- rase
- vjerskog uvjerenja ili aktivnosti
- pola
- seksualne opredijeljenosti
- osobne veze s nekim ko ima neke od navedenih karakteristika

Seksualno napastovanje

Seksualno napastovanje je protuzakonito, a uključuje nepoželjno seksualno dodirivanje, nepoželjne zahtjeve seksualne prirode ili komentare o vašem tijelu ili seksualnom životu kao i seksualno uvredljive priče ili šale.

Gdje može doći do diskriminacije i seksualnog napastovanja?

Zakon se primjenjuje na ponašanje na javnom mjestu, a ne na ponašanje u privatnoj sredini. To znači da je protuzakonito vršiti diskriminaciju i seksualno napastovati na poslu, u smještaju, u klubovima, u obrazovnoj ustanovi, prilikom prodaje robe i pružanju usluga, u sportu, prilikom prodaje ili prenosa zemljišta.

Rasno i vjersko ponižavanje

Protuzakonito je ponižavati nekoga na temelju rase i vjere. Rasno i vjersko ponižavanje podrazumijeva verbalno i fizičko napastovanje, zastrašivanje i izražavanje mržnje ili teškog prezira prema nekoj osobi ili skupini ljudi zbog njihove rase ili vjere.

O nama

Equal Opportunity Commission Victoria pomaže u rješavanju žalbi na diskriminaciju, seksualno napastovanje i rasno i vjersko ponižavanje putem svojih usluga koje su

- ✓ povjerljive
- ✓ nepristrane
- ✓ besplatne
- ✓ jednostavne

Ova komisija nije ni tribunal ni sud. Mi pomažemo da se dogovorom dođe do rješenja na žalbe. Mi ne gonimo krivično, ne donosimo presude u korist ili protiv jedne ili druge strane i ne dodjeljujemo odštetu.

Ulaganje žalbe

Ako mislite da neko prema vama vrši diskriminaciju, da vas seksualno napastuje ili ponižava, možete ovoj Komisiji uložiti žalbu.

Nazovite Komisiju i tražite da vam besplatno obezbijede prevodioca, ako vam je potreban. Naše osoblje će vam pomoći da pripremite žalbu i razgovarat će s drugim ljudima koji su uključeni u tu žalbu. Mi ne držimo ničiju stranu i moramo voditi računa da žalba ostane u tajnosti.

Protuzakonito je da se neko prema vama odnosi nefer ili vam prijeti zato što ste uložili žalbu Komisiji.

Rješavanje žalbi

Žalbe se mogu rješavati na razne načine. Naše osoblje će vam objasniti kakve se sve nude mogućnosti, s ciljem da se postigne najbolje rješenje.

Advokat vam nije potreban da biste uputili žalbu Komisiji, ali neki ljudi osjećaju veću sigurnost ako imaju uz sebe advokata, zastupnika ili nekoga ko će im se naći pri ruci.

Linija za savjete (03) 9281 7100
BESPLATAN BROJ (za pozive iz unutrašnjosti)
1800 134 142
TTY: (03) 9281 7110
Email: complaints@eoc.vic.gov.au

Prevodioci se na zahtjev mogu dobiti besplatno.

NAPOMENA: Ove informacije su namijenjene samo kao uputstva. One nisu zamjena za pravni savjet.

VAŠA PRIVATNOST: VEO&HRC ispunjava uslove Viktorijskih zakona o privatnosti i odredbi o povjerljivosti Zakona o ravnopravnim mogućnostima od 1995.

Naša politika privatnosti može se vidjeti na internetu na www.humanrightscscommission.vic.gov.au/privacy ili o njoj možete dobiti informacije od Komisije.

Ovlastila i štampala Viktorijska komisija za ravnopravne mogućnosti i ljudska prava - Victorian Equal Opportunity and Human Rights Commission, 3/380 Lonsdale St, Melbourne, Victoria, 3000

April 2007

simply your rights